



UGOVOR o javnoj nabavci polietilenskih cijevi za gas

Ugovorne strane:

KJKP Sarajevogas d.o.o., Sarajevo, ul.Trg Fadile Odžaković Žute br. 4, 71000 Sarajevo
Koga zastupa: Direktor Preduzeća mr.sc. Nihada Glamoč, dipl.ing.maš. (u daljem tekstu: Kupac)

i

Bosnaplast d.o.o., Safeta Zajke br. 61, 71000 Sarajevo
Koga zastupa: Direktor Huso Česir (u daljem tekstu: Prodavac)

Član 1.

Predmet ovog Ugovora je isporuka Polietilenskih cijevi za gas po provedenom otvorenom postupku nabavke broj TD-05-18/17. Prodavac je dostavio ponudu prema Obrascu za cijenu ponude (Anex III) broj SP-OJ06-TD-05-18/17-01 i tehničkim karakteristikama iz tendera, koja je priložena ovom ugovoru i predstavlja njegov sastavni dio.

Član 2.

Ugovorna vrijednost robe, predviđene za isporuku ovim ugovorom, iz člana 1. ovog ugovora (Obrazac za cijenu ponude (Anex III) SP-OJ06-TD-05-18/17-01), bez PDV-a iznosi: **133.585,00 KM** (slovima: stotnutridesettrihiljedepetstotinaosamdesetpet KM). Jedinične cijene iz ponude su fiksne i neće se mijenjati u toku trajanja ovog ugovora.

Član 3.

Prodavac će robu iz člana 2. isporučiti na paritetu Franco skladište Kupca, Butila, Sarajevo, u roku od 30 dana od dana ispostavljanja narudžbe. Ugovorne strane su saglasne da se kvalitativni i kvantitativni prijem isporučene robe izvrši u skladištu Kupca. Komisija će za svaku pojedinačnu isporuku sačiniti Zapisnik o kvantitativnom i kvalitativnom prijemu robe.

Član 4.

Prodavac će obračun isporučene robe vršiti po jediničnim cijenama iz Obrasca za cijenu ponude (Anex III) priložene uz ovaj Ugovor. Kupac će plaćanje izvršiti na transakcijski račun Prodavca naznačen u fakturi, u roku od 30 (trideset) dana od isporuke i prijema uredno ispostavljenog računa.

Član 5.

Obaveza Prodavca je da ponudene cijevi proizvedene od 100% žutog ili narandžastog granulata isporuči u roku od 30 (trideset) dana, u količini i kvaliteti kako je ugovoreno.



Član 6.

U cilju obezbjeđenja neophodnog kvaliteta robe Kupac će vršiti inspekcijske preglede proizvodnje robe koja je predmet ovog ugovora u svim njenim fazama tokom trajanja ugovornog perioda. Kupac zadržava pravo da robu bez odgovarajuće dokumentacije propisane standardom EN 1555 odbije primiti i istu vrati Prodavcu.

Prodavac se obavezuje da:

- obezbijedi za dvije osobe ovlaštene od strane kupca promptan pristup proizvodnim pogonima zbog kontrole proizvodnog procesa, kontrole sirovine granulata od kojeg se proizvode polietilenske cijevi uz obavezu snošenja svih troškova ovih kontrola,
- obezbijedi Kupcu vršenje stalne kontrole proizvodnje svake šarže polietilenskih cijevi tokom proizvodnog procesa uz obavezu snošenja svih troškova ovih kontrola,
- po završetku proizvodnog procesa obezbijedi Kupcu uvid u cjelokupnu atestnu dokumentaciju o proizvedenim polietilenskim cijevima,
- prije isporuke obezbijedi završnu kontrolu proizvedenih polietilenskih cijevi na mjestu proizvodnje uz obavezu snošenja svih troškova ovih kontrola.

Član 7.

Ukoliko se Prodavac ne bude pridržavao odredbi utvrđenih u članu 4., 5. i 6. ovog ugovora, Kupac zadržava pravo da zaračuna penale u iznosu od 1% za svaku sedmicu kašnjenja, ali tako da cjelokupan iznos penala ne može biti veći od 5% ukupne vrijednosti ugovora.

Član 8.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprečavaju jednu ili obje ugovorne strane u ispunjavanju ugovornih obaveza.

Član 9.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 10.

Ukoliko Kupac u ugovornom roku iz člana 4. ovog ugovora ne plati cijenu za isporučenu robu obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 11.

Ovaj ugovor se zaključuje na period važenja od 12 mjeseci. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu pismeno sa otkaznim rokom od 30 (trideset) dana.

Član 12.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bila angažovana kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.



Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivat će se odgovarajuće odredbe Zakona o obligacionim odnosima.

Član 14.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca:

Direktor, Huso Česir



Broj ugovora, 163/17
18.08.2017.

Za Kupca:

Direktor preduzeća:

Mr.sc. Nihada Glamoč, dipl.ing.maš.

Izvršni direktor:

Mr. Mehmed Mehović, dipl.oec.

Broj ugovora, 165/17
15-08-2017





KJKP SARAJEVOGAS d.o.o.
Specifikacije

SP OJ06 TD-05-18/17 01
OJ RB/GOD BR

OBRAZAC ZA CIJENU PONUDE

ANEX III

Izvor ponuđača: Bosnaplast d.o.o. Sarajevo
Datum i broj ponude: 125/17 25.07.2017.

b	Naziv robe	Jed. mjere	Količina	Jedinična cijena bez PDV-a	Ukupna vrijednost robe bez PDV-a
1.	Polietilenska cijev za gas Φ 32 x 3,0 mm/100m, PE 100 SDR 11/PN 10 PEHD Isporuka u koturu dužine L=100 (m)	m	5.000	1,70	8.500,00
2.	Polietilenska cijev za gas Φ 63 x 5,8 mm/100m, PE 100 SDR 11/PN 10 PEHD Isporuka u koturu dužine L=100 (m)	m	5.000	6,20	31.000,00
3.	Polietilenska cijev za gas Φ 110 x 6,3 mm/12m, PE 100 SDR 17,6/PN 6 PEHD	m	1.500	12,63	18.945,00
4.	Polietilenska cijev za gas Φ 160 x 9,1 mm/12m, PE 100 SDR 17,6/PN 6 PEHD	m	800	26,44	21.152,00
5.	Polietilenska cijev za gas Φ 225 x 12,8 mm/12 m, PE 100 SDR 17,6/PN 6 PEHD	m	1.100	49,08	53.988,00
UKUPNA CIJENA BEZ PDV-a:					133.585,00 KM
POPUST (izražen u procentu i iznosu):					0,00 KM
UKUPNA CIJENA SA POPUSTOM BEZ PDV-a:					133.585,00 KM

Napomena:

- Cijene moraju biti izražene u KM. Za svaku stavku u ponudi mora se navesti cijena. Nula nije cijena.
- Cijena ponude se iskazuje bez PDV-a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
- U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
- Jedinična cijena stavke se ne smatra računskom greškom, odnosno ne može se ispravljati.

Tehnički uslovi za cijevi:

Polietilenske cijevi za gas trebaju ispunjavati uslove navedene u sljedećim standardima:

- DIN 8074 Cijevi od polietilena (PE) – PE 63, PE 80, PE 100 – dimenzije,
- DIN 8075 Cijevi od polietilena (PE) – PE 63, PE 80, PE 100 - Opći zahtjevi za kvalitet, ispitivanja,
- EN 1555-2 Plastični cijevni sistemi za snabdjevanje gasovitim gorivima – Polietilen (PE) – dio 2 – cijevi,
- ISO 4437 – Polietilenske cijevi za podzemnu ugradnju za transport gasa, specifikacija,
- ISO 4437-2 – Polietilenske cijevi za podzemnu ugradnju za transport gasa, cijevi.



Za ponudacu:

Za KJKP "Sarajevogas" d.o.o.

Šef Službe za komercijalne poslove
Mirsad Fatić, dipl.oec.
Izvršni direktor
Mr. Mehmed Mehović, dipl.oec.